



" WAKAF DAN PERANANNYA DALAM MENJANA EKONOMI UMMAH "

أَلْحَمْدُ لِلَّهِ الْقَائِلِ: الَّذِينَ يُنْفِقُونَ أَمْوَالَهُمْ
أَبْتِغَاءَ مَرْضَاتِ اللَّهِ وَتَثْبِيتًا مِّنْ أَنفُسِهِمْ كَمَثَلِ
جَنَّةٍ بَرِيَّةٍ أَصَابَهَا وَابِلٌ فَآتَتْ أُكُلَهَا
ضِعْفَيْنِ فَإِن لَّمْ يُصِبْهَا وَابِلٌ فَطُلٌّ^{قُلٌّ} وَاللَّهُ بِمَا
تَعْمَلُونَ بَصِيرٌ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.



أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ
تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا
تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah,

Marilah sama-sama kita mempertingkatkan keimanan dan ketaqwaan kepada Allah SWT dengan melaksanakan seluruh tuntutan syariat-Nya serta meninggalkan segala larangan-Nya. Sesungguhnya tiada yang lebih berharga dan dimuliakan oleh Allah SWT terhadap hamba-hambanya melainkan orang yang paling bertaqwa.

Sidang Jumaat Yang Dirahmati Allah,

Wakaf adalah salah satu ibadah yang unik dan istimewa kerana ianya dapat menyumbang kepada kesejahteraan sosial dan ekonomi ummah. Ini kerana, pewakaf akan mendapat ganjaran pahala yang berkekalan daripada Allah SWT selagi mana harta yang diwakafkan itu dimanfaatkan. Ibnu Umar r.a pernah bertanya kepada Rasulullah s.a.w mengenai harta wakaf yang bermaksud:

"Wahai Rasulullah, aku telah menerima sebidang tanah di Khaibar. Aku tidak pernah menerima harta yang lebih berharga daripada itu.



Apakah yang perlu aku lakukan dengannya?" Sabda Baginda : "Sekiranya mahu, engkau wakaf lah ia dan sedekahkan hasilnya." Ibnu Umar r.a berkata lagi lalu Umar sedekahkan tanah ini sambil berkata : "Tanah ini sama sekali tidak akan dijual atau dihadiahkan atau diwariskan. Hasilnya akan disedekahkan kepada fakir miskin, kaum keluarga, hamba-hamba, orang berada di jalan Allah, Ibnu Sabil dan para tetamu. Tidak salah bagi penjaga tanah tersebut memakan hasilnya atau pun memberi makan orang lain tanpa menyimpan harta".

Seorang muslim yang sanggup untuk menyumbangkan hartanya ke jalan Allah SWT pastinya akan mendapat ganjaran dan pujian di sisi Allah SWT. Dalam ertikata yang lain seseorang yang sanggup untuk mewakafkan harta yang dicintainya ke jalan Allah, pastinya akan meletakkan dirinya pada darjat yang mulia di sisi Penciptanya.

Firman Allah SWT dalam surah Ali Imran ayat 92;

لَنْ تَنَالُوا الْبِرَّ حَتَّى تُنْفِقُوا مِمَّا تُحِبُّونَ ۚ وَمَا تُنْفِقُوا
مِنْ شَيْءٍ فَإِنَّ اللَّهَ بِهِ عَلِيمٌ

"Kamu tidak sekali-kali akan dapat mencapai (hakikat) kebajikan dan kebaktian (yang sempurna) sebelum kamu menafkahkan (mendermakan) sebahagian daripada apa yang kamu sayangi. Sesuatu apa jua yang kamu nafkahkan, maka sesungguhnya Allah mengetahuinya".

Maka dengan itu, harta wakaf yang kekal zatnya dapat dikembangkan untuk menjana kekuatan ekonomi umat Islam dan dapat



dimanfaatkan hasilnya kepada semua lapisan masyarakat walaupun sumbangan yang diberikan adalah sedikit sahaja. Inilah antara hikmah, keunikan dan keberkatan yang wujud di dalam amalan wakaf.

Orang yang mewakafkan hartanya dengan niat yang ikhlas semata-mata mencari keredhaan Allah SWT, pastinya Allah SWT akan menggandakan ganjara pahala kepadanya disamping menggantikan harta pewakaf tanpa sedikitpun dikurangkan.

Firman Allah dalam surah Al-Baqarah ayat 261;

مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ
أَنْبَتَتْ سَبْعَ سَنَابِلَ فِي كُلِّ سُنبُلَةٍ مِائَةٌ حَبَّةٌ ^{قُلْ} وَاللَّهُ
يُضَاعِفُ لِمَنْ يَشَاءُ ^{قُلْ} وَاللَّهُ وَاسِعٌ عَلِيمٌ ﴿٢٦١﴾

"Perumpamaan (derma atau nafkah) orang yang membelanjakan hartanya pada jalan Allah adalah seperti sebiji benih yang menumbuhkan tujuh tangkai; setiap tangkai itu pula mengandungi seratus biji. Allah melipatgandakan pahala bagi sesiapa yang dikehendaki-Nya dan Allah Maha Luas (kurnia-Nya), lagi Maha Mengetahui".

Sidang Jumaat Yang Dirahmati Allah,

Sejarah dengan jelas menunjukkan kepada kita bahawa ibadah wakaf memainkan peranan penting di dalam mengukuhkan ekonomi umat



Islam sejak zaman Rasulullah s.a.w lagi. Perkara ini terus dibudayakan dikalangan para sahabat, tabien, tabi' tabien dan umat yang seterusnya. Kitab "Al-Fiqh Al-Manhaji" dalam Bab Wakaf, telah menukilkan kata-kata Imam As-Syafie r.a :

"Aku mendapat tahu bahawa lapan puluh orang sahabat di kalangan Ansar telah melakukan sedekah muhramat (Wakaf) "

Ibnu Batutah, seorang pelayar Islam semasa melawat Damsyik telah mencatatkan bahawa, terdapat pelbagai bentuk wakaf telah dilaksanakan. Antaranya ialah wakaf untuk meningkatkan lagi kemudahan awam seperti jalanraya dan kaki-kaki lima bagi kemudahan orang ramai. Ini jelas menunjukkan kepada kita bahawa wakaf amat memberikan manfaat kepada masyarakat dalam sesebuah negara.

Sidang Jumaat Yang Dirahmati Allah,

Sebagai seorang yang beriman kita perlu yakin bahawa harta yang kita wakafkan ke jalan Allah SWT pasti akan digantikan oleh Allah SWT, sebagaimana dalam surah Saba' ayat 39 :

قُلْ إِنْ رَبِّي يَبْسُطُ الرِّزْقَ لِمَنْ يَشَاءُ مِنْ عِبَادِهِ ۖ وَيَقْدِرُ لَهُ ۚ وَمَا أَنْفَقْتُمْ مِنْ شَيْءٍ فَهُوَ يُخْلِفُهُ ۖ وَهُوَ خَيْرُ

الرَّازِقِينَ



"Katakanlah (wahai Muhammad): "Sesungguhnya Tuhanku melapangkan rezeki bagi sesiapa yang dikehendaki-Nya di kalangan hamba-hamba-Nya, dan Dia juga yang menyempitkan baginya. Apa sahaja yang kamu nafkahkan, maka Allah akan menggantikannya dan Dialah jua sebaik-baik pemberi rezeki".

Ingatlah sidang jumaat sekalian, apabila seseorang itu meninggal dunia, maka hartanya, warisnya dan amalannya akan mengiringinya ke kubur, semuanya akan pulang melainkan amalannya yang dilakukan di dunia ini. Dan amalan inilah yang akan diperhitungkan oleh Allah SWT di alam kubur kelak. Rasulullah s.a.w juga telah berpesan kepada kita bahawasanya amalan kita akan terputus apabila roh kita berpisah daripada jasad melainkan tiga perkara sebagaimana sabda Rasulullah s.a.w;

إِذَا مَاتَ ابْنُ آدَمَ انْقَطَعَ عَمَلُهُ إِلَّا مِنْ ثَلَاثٍ
صَدَقَةٍ جَارِيَةٍ أَوْ عِلْمٍ يُنْتَفَعُ بِهِ أَوْ وَلَدٍ صَالِحٍ
يَدْعُو لَهُ .

"Apabila mati seorang anak adam, terputuslah segala amalannya melainkan tiga perkara : Sedekah jariah, ilmu yang memberi manfaat dan anak yang soleh yang mendoakan baginya".

(Riwayat At-Tirmidzi)



Sidang Jumaat Yang Dirahmati Allah,

Harta yang telah diwakafkan adalah milik Allah SWT. Oleh kerana itu, pewakaf dan waris-warisnya tidak berhak lagi untuk menuntut dan mempertikaikan harta yang telah diwakafkan itu. Sebagai pewakaf, kita hendaklah yakin dan percaya bahawa pentadbir bertanggungjawab untuk melaksanakan pembangunan harta wakaf tersebut mengikut niat pewakaf itu.

Marilah kita berlapang dada untuk menghidupkan dan membudayakan semula amalan berwakaf di kalangan masyarakat. Berusaha menjelaskan kepada masyarakat bahawa wakaf boleh dilakukan dengan bayaran wang tunai atau potongan gaji melalui Saham Wakaf Selangor yang diwujudkan oleh MAIS dan diuruskan oleh Perbadanan Wakaf Selangor. Kaedah ini bagi memudahkan orang ramai berwakaf tanpa mengira pangkat dan darjat. Semua orang mampu untuk berwakaf dengan kadar minimum sebanyak RM10.00 tanpa ada had maksimum. Pewakaf juga boleh memanfaatkan resit wakaf yang dikeluarkan oleh pihak Perbadanan Wakaf Selangor untuk mendapatkan pelepasan cukai pendapatan.

Mimbar Jumaat pada hari ini menyarankan agar ibadah wakaf dapat di suburkan kembali dan dibudayakan dalam masyarakat. Ini kerana wakaf mampu memartabatkan ekonomi umat Islam sebagaimana yang telah berlaku pada zaman Rasulullah SAW dan para sahabat suatu ketika dahulu. Sekiranya di negara-negara timur tengah seperti Mesir, Oman dan Kuwait telah mewujudkan satu badan khas bertaraf kementerian yang bertanggungjawab kepada pembangunan harta wakaf maka tidak mustahil kita juga mampu untuk melaksanakannya pada suatu hari nanti.



Sidang Jumaat Yang Dirahmati Allah,

Rebutlah peluang keemasan ini untuk kita membuktikan kecintaan kita kepada Allah SWT dengan berwakaf mengikut kemampuan masing-masing bagi pembangunan umat Islam sekaligus memartabatkan imej Islam di muka bumi Allah SWT ini. Insya Allah, dengan adanya keikhlasan, berfikiran positif dan semangat bantu-membantu dikalangan kita, ianya mampu menjana kekuatan dan kesejahteraan umat Islam sekaligus meletakkan kedudukan agama Islam di ditempat tertinggi di dalam segala bidang.

أَعُوذُ بِاللَّهِ مِنَ الشَّيْطَانِ الرَّجِيمِ
يَا أَيُّهَا الَّذِينَ ءَامَنُوا هَلْ أَدُلُّكُمْ عَلَىٰ تِجَارَةٍ تُنْجِيكُمْ مِّنْ
عَذَابِ أَلِيمٍ ﴿١١﴾ تَوَمِّنُونَ بِاللَّهِ وَرَسُولِهِ ۗ وَتُجَاهِدُونَ فِي
سَبِيلِ اللَّهِ بِأَمْوَالِكُمْ وَأَنفُسِكُمْ ذَٰلِكُمْ خَيْرٌ لَّكُمْ إِن كُنتُمْ
تَعْلَمُونَ ﴿١٢﴾

"Wahai orang-orang yang beriman! Mahukah Aku tunjukkan suatu perniagaan yang boleh menyelamatkan kamu daripada azab yang pedih? Iaitu, kamu beriman kepada Allah dan Rasul-Nya, serta kamu berjihad di jalan Allah (membela dan menegakkan agama Allah) dengan harta dan



diri kamu. Yang demikian itulah lebih baik bagi kamu, jika kamu mengetahui (hakikatnya yang sebenar)".

(As-Shaff : 10-11)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ
اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ
إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ بَعَيْنَ
عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ، جَلَالَةَ
مَلِكِنَا الْمُعَظَّمِ سُلْطَانَ سَلَاطُونَ، سُلْطَانَ شَرَفِ الدِّينِ
ادريس شاه الحاج ابن المرحوم سُلْطَانَ صَلَاحِ الدِّينِ
عبد العزيز شاه الحاج.



اللَّهُمَّ أَدِمِ الْعُونَ وَالْهُدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لَوْلِيَّ عَهْدِ سَلَاعُورِ، تَعَكُّو أَمِيرِ شَاهِ
إِبْنِ السُّلْطَانِ شَرَفُ الدِّينِ ادریس شاه الحاج فی
أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ
وَالْإِكْرَامِ. اللَّهُمَّ أَطْلُ عُمْرَهُمَا مُصْلِحِينَ لِلْمُوظَّفِينَ
وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى
وَالرِّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebakikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.



Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.

Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ





فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.